

四庫全書

集部

欽定四庫全書

集部

雲巢編卷一至三

詳校官庶吉士臣初畬齡

侍讀臣孫球覆勘

總校官編修臣王燕緒

校對官編修臣沈清藻

謄錄監生臣王露

欽定四庫全書

集部三

雲巢編

別集類二 宋

提要

臣等謹案雲巢編十卷宋沈遼撰遼字獻達
錢塘人邁之弟也用兄任監壽州酒稅熙寧
初為審官西院主簿久之以太常寺奉禮郎
攝華亭縣坐事流永州更徙池州築室齊山
自號雲巢遂不復起事蹟具宋史本傳遼墓

誌稱所著雲巢編二十卷今此本乃宋高布
載入吳興三沈集者所存止十卷文獻通考
所載卷數亦同殆布校刊之時已有所合併
歟又集中海天寥寥禾黍秋一首此本題曰
初聞鶴唳而徐碩至元嘉禾志乃作題千山
圓智寺又門箴一首至元嘉禾志作華亭縣
門箴且有跋語兩行均與此乖互不合或當
時尚有別本故所據互有同異也遼文章豪

放奇麗無塵俗龔歆之氣而尤長於歌詩王安石嘗贈以風流謝安石瀟灑陶淵明之句而安石子雱亦云前日覽佳作淵明知不如皆以柴桑格調為比其傾倒可謂甚至然遼詩實主於生峭與陶詩蹊逕頗不相類觀其生平屢與黃庭堅酬和而庭堅亦稱其能轉古語為我家物知為豫章之別派非彭澤之支流矣乾隆四十六年十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

雲巢編卷一

宋 沈遼 撰

卧龍雪

錯落卧龍雪
新春殊未消
庭前玉札碎
竹裏鉛華飄
陽氣在山壤
輕寒生六溲
城中清醕熟
歌吹上岩堯

寄陸九

賀老湖邊春水生
野陽浮動北風輕
天邊重鬪歌筵響
鑑裏綵舟金翠明
大抵盛時須著意
要知吾輩未忘情

君如彦道能懷帽便逐輕帆作此行

和穎叔西園春宴

閒居喜遊覽嘯詠待春風
春風來無逆潛將羣卉通
卧龍形勝地一篙鑑湖中
府寺壓山起亭臺儼穹崇
幽駟弄新傳天葩散珍叢
弱柳不勝妍修烟杳蒙蒙
太守樂邦人縱觀迨時豐
天邊振蕭瑟縹渺大黿宮
遊人競行樂十里畫羅紅
金繡不誇富隨珠巧玲瓏
眇睠鬪舟劇歡呼金鼓雄
躊躇水中巧公子射琯弓
神技窮怪變舞

衣事雍容草樹日欣欣笑語咸噦噦今此駘蕩節衆樂
茲無窮吾昔事治遊浚都盛朋從邇來翻澹泊白髮成
衰翁欲進一樽酒坐來還無悰追懷少年趣那知化人
功慷慨芳樹下日斜萬人空喧呼趣歸馭壁月生簾櫳

和穎叔蓬萊閣

海上仙山豪泛泛隨狂潮仙人毒其危禹強資巨鼇
洞絕世紛於焉樂逍遙長年誓不死玉觀何峒堯麻姑
朝按行洪崖暮相招宴勞酌瓊液獻酬肯相饒月裏振

金珮風前吹玉簫至真遊樂地世俗風波遙我本丘壑
人居然厭煩囂步此重閣峻仙意何飄飄下視照湖春
浩蕩生波濤愛茲為中峙想可娛洪高蕭灑紫霞衣淡
泊顏氏瓢聊樂白駒影軒裳真園牢賀老久不作吾方
餌金膏輕身化羽翼把袂窮丹霄

望海亭

平昔懷壯觀欲浮滄海遊平曠未即去歎恨成淹留縱
步越山頂危亭停斗牛顧視東北軒烟雲莽浮浮氣象

凌萬有心膽森相投暫欣區霧明三江如帶流信哉天
地大蕩蕩難為侔迤邐睨三川微茫使人愁春曉看晴
旭秋宵懸玉鉤未遂逢海若空然想蓬丘老氏患有身
安得六翮修終期亦松輩教蕩成蛟虬

秦望閣

秦王昔東狩悵望慕長生誓黃香不下空山獨含情瞻
彼萬仞勢強茲千載名居然作南屏翠影臨重城伊昔
賢太守樂此烟雲輕憑高結華構軒敞資神明後來宅

此地決訟休羣氓仰止鎮靜姿仁心繇是閱東州七萬
井利病隨時平百姓望太守雲間引雙旌政成宴賓從
邁豆陳前楹上下此相樂於焉歌太寧所想仲蔚隱聿
懷安石清荒湛焉用戒終想愧淨榮

贈桃源大師還剎

金庭昔相會我髮才勝冠長嘯望海嶠志懷九霄丹道
人方少壯談笑昇仙壇一別支一載流年劇飛翰韋布
早相誤多病甘衰殘道人自怡悅形神愈堅完訪我吳

山陽相顧生驚歎使我負愧恥終身謝仙官猶欣被閭
黜得與世路寬若逢羨門老為余假青鸞

送智印師還會稽

窮居謝世事浩蕩如孤雲生計委夢幻焉能履紛紛上
人遠來過高談紆所聞天上曼陀華吾知悅清芬至理
有神仙會為貝多文法力浩無邊諒能抗三軍鼎新布
金地檀施咸訢訢翩然揖歸袂吾固殊其羣浮杯渡天
塹歸路稽山根昨夜一尺雪佳氣生鋤耰擁毳可待飽

尚應事修焚後會復何時相望此江濱
吾已與心約行當宅榆枌他年白蓮會
何慙張隱君

禪老閣

少年尚淵默偃仰事詩書端然忘緼藉
乃欲尋榮途一辱未知補三獻何其愚
深中雅有趣寧終渾泥塗用物必傷已
誓將老江湖在人既少與於此固何誅
賞心不期侈澹泊自有餘儻逢安石輩
知余為善謨

春日中和堂

春風何處來婉婉不暫停芳林二三月赤白鬪敷榮我
念造化始有誰主其平天地不相干世人強經營陽光
肆燠沐幽禽弄和聲春風迎我笑宛轉入軒楹雖非少
年客感事豈忘情拂拭久懸榻開簾敞高明衰病無可
樂聊茲寄平生彭殤付一夢吾已能逃名

寄題僧榮妙勝齋

婉婉江記室故廬在西陵疇昔文雅地何年鐘梵興越
江下朝海門前紺波騰蒼茫夢筆事誰似畫橋稱世道

久蒙昧至人絕勾繩名存誰有實身往復奚憑萬生著
動靜其初非云應紛然競其趣自知遠真乘上人學智
者高談信能承知以妙為勝新題敞相仍色相不足誇
是境方清澄行期授記誨為我比然燈

送師說兄弟西歸

逍遙卧山館久已謝勞生春和不與較安得駐君行昔
會殊可樂今歸豈忘情所樂去如掃有情紛若縈引領
望河橋雙舟鮮且輕揚州看紅藥睢邊弄朱櫻頗羨君

此遊夢寐過吳城誰知一感別聊復亂吾清

讀酈生傳

秦人被塗炭酈生自清狂暴更不得加高懷信旁洋山
東赤龍長興嘯取功名馮軾下全齊其身先就烹古人
不輕死何嘗貴其生顧已有所造二途皆一征有誰憐
是翁欲呂身徇榮未卒杯酒樂蒼茫禍來嬰所懷奄不
救焉如監門清乃知謬厝置視世已皆輕死者良可歎
世俗方營營至仁吾所師但欲窮山耕

觀金沙花有感

天艷迎人意欲迷不言正是怨深時
愁腸百結不堪續
惆悵年年開向誰

贈有道者

昔吾知養生始自皇人經其說乃浩博隱奧通神靈
錦囊固申行夢寐嗟沉冥十年不一開未甘遂遺形
矯矯高平生真訣炳丹青要妙不在多一言如發硎
使人久滯念霍如病已醒豈徒固衰朽且將延百齡
我雖欲亟

試未能廣娉婷明年走浚上要當宅重局信如君所說
誓將鄙心銘為報不易言高山柏亭亭

留題廣教安素堂

佛舍靜不喧求心知有趣誰言幽人迹寂寥為善住太
師說法地何為號安素安得此簾言令人起驚悟既不
生滅定宜已墮諸數不說福德多冥冥知正度念復闕
饒益能仁起茲護獨示鑒王攻豈為有生故伊昔究法
樂清言對芳樹何日敝廬歸過汝窮朝暮

贈王伯虎

盛暑劇焚燎深林稱幽棲衰殘不勝事遂得休天倪重
闢人響絕憫默與時違慨念百年樂誓將老鋤犁吾子
造府戟勤拳苦攀躋迺欲強訪我清言相與稽君方事
軒冕我乃樂山溪所向適殊途安得問軌輓要有所
賦將報錦與綈病思何足云有愧測海蠡

七月五日立秋初夜觀月

酷暑殊未却微風初夜清徘徊中庭步復賞月華明物

色豈驟變人情自先驚長林最蕭灑瑟瑟戰秋聲野心
獨怡懌念此歲月征聊持一樽酒憑几坐南楹

七月十日天陰

江海積陰地浮雲朝暮生秋來不為雨庭戶含孤清南
方八九月殘暑尚未平大火正西流迺得逃炎蒸衰柳
弄金飈幽蟬咽復鳴漸欣泉石趣已厭葛衣輕夙昔抱
幽志何心守磴磴已能閑諸外無憂人事繁

將去錢塘望烏峰有感

三
八
二
卷一
海
燕
謝
故
巢
明
年
復
來
棲
遊
人
去
故
里
飄
飄
困
東
西
三
年
豈
云
遠
往
往
遂
乖
睽
猶
如
水
中
木
那
得
有
定
稽
青
山
為
無
聊
野
水
含
悽
悽
人
生
百
年
樂
中
復
失
故
蹊
悲
歌
夜
半
清
收
淚
不
可
啼
深
愧
社
中
翁
生
死
守
一
溪
無
榮
安
得
辱
萬
事
皆
可
齊
吾
性
樂
幽
閒
未
遂
親
鋤
犁
為
約
平
生
遊
終
不
為
世
迷
其
願
有
夙
心
老
將
守
田
畦

送榮叔歸蕭山

疇昔來會稽浮舟出江隄蒼茫望津道隱隱辟招提虛

氣發峻嶺疑有至人棲龍象茲擁衛羣木皆萋萋吾家
浮屠老早歲離煩迷持律破三業悟道臻淵倪法網覆
衆生一念絕町畦戒刀割大葷水陸無象犀凡物有極
勢固難叙階梯兀然被衣衾誰能判金泥六時宣法音
萬生荷提攜愚人本無識有識自難稽如我解所說安
可議東西稽首送歸馭信美舊山蹊

留題榮師妙勝齋

萬生托釣播美好皆因人公能以妙勝有趣即為真儼

雅翠山聳參差芳草新欲知閒客意亦以勝吾身

寄昭慶閣黎

二年客江漢不知春與秋東來望吳越歷記昔時遊蕭
山江水西萬屋白雲迷地勢既灑落家家臨水隄中有
一大士法與天台齊至行通神明上乘無階梯吾昔屢
入室遂能離筌蹄誰言似金粟真已謝荆溪憫憫強冠
帶悠悠恨垂暎仍作趙魏行何年造幽棲臨風一問訊
深已愧提撕

過揚子望金山懷南屏師

滄溟有餘力揚子生狂瀾素秋將西渡竚立成盤桓
吾豈懷土人苦厭世事艱自念從此去何時復立樊

觀蕉葉二首

春陰薄薄壓輕寒朱檻無聊愁夢殘唯有庭蕉會人意
芳心欲展復微攢

憶昔紅蕉狼籍時玉人攜手淚沾衣今日芳心為誰展
天邊怊悵未成歸

登澧陽樓

渺渺江湘萬里平
夕陽明處楚山橫
已知多病催生計
那為青春感客情
牢落不如孤鶴羽
支離何慕古人名
追懷年少區區意
還似西軒一夢驚

殘花

忽忽春已老
强行芳樹邊
不能驚白髮
何用惜流年
殘紅不可撷
復畏青條折
榮落終歲事
何心翻悞悞

寄才仲

陶令在彭澤放懷天壤間橫江三百里往往向廬山多
尋簡寂醉時訪遠公閒不復顧吏迹世人指為頑公子
負文華少年成青綸風流不屑俗為邑得星灣節節香
爐峰據案見蒼顏何勞事舟楫緩步可躋攀形骸付物
外勿使人事關崑崙高世人有誰偕往還新篇定盈軸
佳句不可刪南風儻乘寄誠足慰衰孱

寄南屏師

庭柳日衰落已聽暮蟬吟吾州西郭外誰感故人心卧

病觀元化悠悠信難謀不為物所遷固知幽趣深情來
念不淺道喪理亦沈相望五千里江漢水淦淦神遊不
可到短夢安能尋不如東歸翼華髮滿瑤簪

綠髮

少年愛綠髮櫛沐對春時多病久衰瘁感事還成悲昔
人寧非我我意顧何知不須下照水始識無生岐

釣魚

池上獨垂釣日斜含夕陰游魚方適意微我亦無心投

竿乃有獲顧汝猶顛擲脫鈎捨之去我與女偕適

澧州水

火行厭祥溽陰雨重為沴時序亦已僭衰羸頓知敝蒼
茫洞庭上五江劇奔逝民陷為魚憂浮桴具生計吾迺
羈旅人高軒俯東勢攜持顧未免仁心安可濟冒軼瓜
瓠區平原信容裔池荷失清賞流萍蕩階砌咨嗟竹窻
卧淒風振衣袂欲謀一觴樂幸來豁蒙滯

重賦

永念暑雨煩居然蹈憂沴寧謂生怨咨甘為小人敝陰
浮亦何患臨觀大川逝竹屋雖小疎補苴豈無計水性
本就下平川衍無勢壅隘何不勝湫底何由濟河伯逢
海若足使誇洋裔池魚肆涵泳洋洋旁軒砌流汗一已
收蕭騷撫輕袂安得趣東歸舟航應不滯

寄贈舒州徐處士

昔愛灊川遊青林覆幽石道人攜手行蕭然名山客誰
知墮世路譬如羈飛翮林臯未脫去紛紛頭欲白輕負

皇人經猶懷稚川策幸已棄韋帶遠謝功名迹聊希閑
關士正苦身為役別來二十日還丹應有獲毋忘絳囊
贈使我昇仙籍將酌金鑲脆青綾三萬尺

寄贈伊先生

在昔齊光祿招余訪仙宮崇崑九疊峻行望庵前松

是時

先生種松自虛仙
觀北關連至庵下

下馬過星壇超然挹孤風華冠映紺

髮談笑想鴻濛飲之青精飯喻以朝元功顧余方羈束
焉能謝入中閤黜七八歲日月何匆匆吾非久寐客不

金瓶梅詞話卷一
煩一言攻已知棄寵辱安能為世庸還丹何時就白雲
弄秋空相望江湖上杳杳復蒙蒙

贈長蘆福長老

達摩西歸不記年雪山消息更茫然行人不會真如事
唯愛長蘆含暮烟

寄崇德大師

滄波眇眇太湖邊引領西風為悵然已會老師忘世事
阿蘭那行即真禪

贈夾山長老兼示石門蹇大博

古佛不滅法處處唯青山如來大道場多出荆湘間
吾聞夜山勝欲往倦躋攀一接老師語已如陟屨顏
秋風孤猿嘯絕壑古松殷夜半天樂清龍象稽首還
為我告卓令法樂元非艱欲令沉痾愈邂逅鑒巫間

西閣秋杪感懷

秋入孤城萬木凋荒山野水出林梢
澧中夷落無烽火湖上風雲有鬪蛟
經歲杜門人不識終身謝事世何嘲

全宋文卷一百一十五
卷一
故廬寂寂烏峰下誰為迎霜葺草茅

屈平

屈平已放逐行吟成久歌孤心抱幽恨君王將若何才
調固灑落胡為情慮多哀哀撫長缺軋軋感女蘿彼已
不我待吾將懷彼那空令汨羅水子客泣清波

雜詩六首

葱蒨竹林下秋來多獨往豈無夕禽喧固勝人語響欲
詠葛天歌支離難自強何如默默為中心亦怠賞一夭娥

屬客舞樂府聲寂寥翹彥列中堂於以娛終朝誰言野
人樂孤坐自逍遙青松有幽操白石割圭刀人生若朝
露哀樂迭相招焉用金玉姿甘被膏火銷脩然卧林下
不繫市與朝何必薄周孔使我為由巢二身世日泯泯譬
彼一毫輕胡為餓首陽不必造承明達人不言命恥向
寵辱驚不為檻下虎即作林中麋憫憫欲夸俗皎皎還
為名卜筮雖小藝逸哉嚴君平三古人有精思飄飄出天
壤遺形若展履寧復顧煩鞅高鳳會幽趣迺貽漂麥讓

禦寇好遊適初聞內觀賞希夷本人境奚憚不可往有
說即忘言指象真為駟四少小負不羈長大好丘壑天事
與人為信哉何寥廓乃知夏夏行皆為名所縛寧為瑣
瑣人有非利所攫至行本無為俗論自美惡強行或顛
沛終始豈億度朱張信吾師王賁不可作咄咄棘門駒
毋以吾斟酌五達人體無為汎汎若野馬胡為狂夫志睨
然小天下知足自有餘多謀始恨寡可否必繫已出處
焉用假大塊勞羣物吾生信容冶死生會如一高情迺

能捨六

贈礪翁龍尾硯

龍尾山盤八十里龍尾有潭下無底秋月亭亭潭氣黑
其中有石色如墨山川秀氣散不為風雲頑不為砂礫
融結至寶有物主水上經營無處所經年始獲不敢賈
我昔遊江南有客遺我誇龍子吾知龍能變化是或不
可制追琢為巨硯大筆揮離騷中圓體天形外方作地
象精光熠熠角生浪熟視乃有紺羅文瑩潤無與比玩

愛何可論我今樗散無所事特贈華陽鴻筆麗藻人吾
聞蜀都多學士實諸文府為戰具君如窮經遂絕筆請
與大軸傳後嗣

春日行

宮梅撲地白氍毹細柳結烟金縷繁春華年年來不已
人生七十半衰殘少時豪放猶不敵何況羈棲落荆蠻
囊中琵琶金鳳閒古曲情深屬誰彈病目矇矇對荒山
東風有意為誇關棄置萬事一夢還江湖水深愁夜寒

春霖

春霖漫不已楊柳一何衰江國多晏寒微暘來亦遲豈
不念向榮惜逐秋風悲植物固如此勞生何可為誰將
區中境遙與青松期匆匆從古然滯念良可遺

養猿

孤猿逸重巘清嘯久不聞中懷為牢落日跂吳山雲空
子有深致遠將清思分蕭颯野人姿慰我澧江濱動靜
得真性超然離世紛春華二月來苑囿爭敷榮誰言關

閑趣聊以樂朝曛母懷故山歸吾將汝為羣

甲辰年五月十五日夜澧陽觀月

少年悵不樂明日何為哉揚眉一遐賞寂寂更傷懷念
昔吾州樂泛舟湖上來佳賓適所好歡計成金罍妖歌
有送響度曲清且哀留連夕陽下夜色起山隈光明水
晶域素彩中天開龍香弄微風四顧絕纖埃澄波照上
下倒影出瑤臺紅燭漸向微始知夜漏催美人屢更衣
含笑玉山墮歡樂殊未央鼓柁中洲違人生無憂患遇

樂且銜杯悵余失交臂萬里來天涯羈愁那無感情慮
長如灰神遊忽自笑安知顧形骸

陰溽

楚梅半已熟苦雨含悽愴不嫌茅屋疎頓喜方池漲洞
庭納七澤萬里相搖漾凝陰有餘潤霽霈極浩蕩古稱
卑濕地久痼累丁壯況我憔悴人那能保無恙蓮下雙
鳬嬉竹裏陰泉響幸無世慮迫聊且安俯仰

清晨

清晨振衣起起步方池側徘徊俯丹檻倒影見敲魄不
識嵇中散定非風塵格長懷謝靈運本自林泉客吾衰
厭世道不以形為役顧非冕弁人冕弁非所適

永嘉有謝公嵩向遊其
中觀畫像像甚質野

稚子

讀書北軒下獨翫太古清稚子請我說糟粕顧何明念
彼硜硜人方起浩浩情遺茲以蹈彼於理或易平深愧
鄒魯生章句誓成名記問數寸間孰知躬所行為人驚

所有利如九河傾中性或易遷吾志將難櫻汎然美造化庶使學躬耕

澧陽大水

澧陽地湫底夏雨無時休疏惡三尺地民陷為魚憂竹屋易飄蕩薄哉生生謀羈人豈但免餓隸資桴浮洞庭信巨浸畜洩浮荊州無迺中江隘千里壅其流永懷吾州樂宅土何夷猶海隘不厭多歲旱亦有收胡為此契濶暴下安得瘳嗟嗟南土人狐貉守一丘

崇山

少小諷二典已知崇山遙
竭來澧川溪迺更識峇峴始
詠皇國盛土宇包前朝
荒徼撫民社置官頒教條
頓驚羈旅迹舟車任飄飄
中吳五千里衝涉信已遼
使人重增念鬱結自無聊
何當奮歸棹江漢水迢迢

簫鼓曲

樂不在歡合悲不在生離
感此簫鼓曲已堪華髮衰
月明大隄路雨暗浙江西
狼籍一盃酒淒涼千里期
誰言

天涯恨逸韻起相思清角竟不返悵然心不怡

諷仕二首

仁治貴不殺為吏滋頑蔽孰謂才不才跂跂在高位詔
策暴過惡行建元侯旆冗散坐姦賊還來容善地世無
三年黜焉得終身廢遂使貪猾人昂昂周知畏政治明
賞罰於法不假易吁嗟韓馮翊胡為子孫戒一聖人不出
世斯民憂倒縣仁心欲援手寧以身為先仲尼貴用我
孟子推諸天二聖有特立何嘗持後前後來迺昧已惘

惘為利牽紛拏竊古語不顧內所愆信如一丘壑孰有
然不然苟伸刀割用於世已為賢鼎鼎雜錡釜誰知重
烹煎然提地史錄不如觀長川二

池上

池上少人迹多霖含微陽幽禽有清弄戲翼沙洲旁顧
余不知懼知是機已忘

贈大中鎮國長老

昔從東南來稅駕依金地迎風步峻閣始眺灋陽市蒼

茫烟霧下一水縈如袂夷落雜連峰精廬遙相峙宅土
信羈客杜門忽彌歲風雲一蕭散身世兩無累懷歸悵
有感史遷念留滯引脰企昔遊野馬埋蒼翠何時藍輦
去復將老師值請掃崑下石為述空王偈

遊瑞崑

已恨初年不學仙老來何處更參禪西風搖落歲事晚
卧對高崑看落泉

天竺白雲堂

四十餘年隨世緣
眼昏頭白更茫然
它時一念若不斷
來向此山開福田

雪竇山

世路衮衮何年休
青山白雲且淹留
千尋飛雪下嵒竇
落日洗耳前溪頭

龍潭

潭中有龍不可見
但見瀑水從天來
我欲垂鉤畏血指
却上北嶺聽奔雷

金鷲方丈

金鷲山勢高崔嵬乘興已泛滄州迴計較百年能幾日
不知此地何時來

漁浦躬師

江東江西多舊遊十載重來蓬鬢秋多愧老師觀自在
慇懃渡口送歸舟

金山寶覺師

不安叨畝強西遊二月春風占渡頭寄語道人莫相笑

歸時迎我到瓜洲

西上

二年為客厭西東
白髮生來百事慵
道路莫驚行李薄
初無盛意學終童

道旁

道旁桃李鬪芳菲
歡意長隨斷夢歸
夢去夢來何可計
春風斜日鴈孤飛

暫來

重入都城誰與鄰暫來還去不知春繁華年少莫相笑
身是無為閒道人

東歸

斷知無樂亦無憂薄有田園滄海頭得意已同毛義去
欣然載酒上東舟

寄四明神智師

甬水樓頭看盡山南城寺裏扣禪關老師多事猶相記
千里馳書慰病孱

金瓶梅詞話卷一
寄雅上人

幽樂軒前春欲歸
紅葩綠萼鬪芳菲
一杯新醪邀誰飲
石首魚鮮赤鱗肥

題寄老軒

道人寄老故山前
雪頂霜眉意豁然
門外少年方作樂
誰家為汝說因緣

次韻酬郎祖德

老去法光不足驚
嬰尋世事或能精
眼花頭白終無用

卧看紗窻曉日明

次韻酬明發華宗

長卿倦遊欲東還幸與諸公俱出關
世事轉頭都委夢
人生何計得長閒
殘花爛漫飄村塢
細雨蘆纖隔碣山
誰寫熙寧十才子
老夫亦入畫圖間

承示會稽大資政公思歸篇輒次元韻

進退不辱古已稀
能如二疏蓋有數
中間已辭五鼎食
今年欲潔一身去
引身欲去強辭老
東部聊復頒寬詔

人間萬事如一夢何人顛倒真可笑紅梅夜發新春枝
黃堂宴坐賦思歸已知無心更無礙青山歷歷孤雲飛

赴齋

爾來世事久忘懷十日長關九日齋白髮蒼顏見無相
不妨應供此間來

翻經臺

不見康樂初翻經崇臺百尺但有名當時妙意遙可想
木葉落盡青山橫

和美叔澄心堂

已悟無生杜世機誰能操筆更題詩
平居赤軸粗有適老去長齋不强持
炯炯色空都可計紛紛多事豈煩知
有人欲識澄心要但問君知我為誰

答文翁

陶令初尋彭澤來相如已構臨邛臺
正當銜杯行樂事惠我鴻筆何為哉
湖中多魚近易捕石上老蕨拳未開
夫子不肯至我室行駕畫舸遙相陪

奉陪穎叔賦欽院牡丹

昔年曾到洛城中
玉腕金盤深淺紅
行上荆溪溪畔寺
愧將白髮對東風

顧浦觀潮

放舟顧浦望江流
烟雨冥冥小麥秋
長憶故園遊觀樂
不知此地有潮頭

崑山

崑崙山在玉關西
此地還疑晴有溪
玉石不分殊可惜

背臨斜日望虹霓

久旱禱雨山下故有落句

題大中寺覺雲師壁

老來情緒似秋烟
水畔林間不計年
世事紛紛何可較
城西寺裏學參禪

題廣嚴禪師房

二十餘年談性空
不知強聒盡無功
愁來白髮如秋草
為置浮生斷夢中

西舍

壯志已謝不復尋無賴老境行見侵已知筋力不自任
況復華髮如霜林少年裁詩喜言老誰知老大都無心
閒學維摩坐禪定戶外唧唧鳴幽禽

鄞江上作

秋潮拍江余欲去二年窮谷江之下疾目不矚西飛鴻
幽懷長寄斜陽樹且余欲行去何之白雲繚繞故山棲
蒼顏終不為人役不妨抱甕治田畦

湖亭懷子美

秋來湖亭誰與樂荷華已摧柳葉落憶昔榜舟乘夜月
行觴數與君相酢如今一西復一東有如萍苴流水中
白頭無心治世故何時勝處重相逢

龜茲舞

龜茲舞龜茲始自漢時入樂府世上雖傳此樂名不知
此樂猶傳否黃扉朱郎畫無事美人親尋教坊譜衣冠
盡得畫圖看樂器多因西域取紅綠結裯坐後部長笛
短簫形製古難婁指鼓舊所識饒貝流蘇分白羽玉顏

二女高髻花孔雀羅衫金畫縷紅靴玉帶踏筵出初驚
翔鸞下玄圃中有一人奏羯鼓頭如山兮手如雨其間
曲調雜晉楚歌詞至今傳晉語須臾曲罷立前廡歎息
平生未嘗覩清都閬苑昔有夢寂寞如今在何所我家
家住江海涯上國樂事殊未知玉顏邀我索題詩它時
有夢與誰期

寄文翁

白兔觀邊仙路長華林修竹到南莊比鄰雞犬易過屋

適意琴書動滿牀
目斷鵲鴿分漢節
心隨鴻鴈極天潢
欲移畫舸遙相訪
正恐田家五月忙

答金山禪師

遠公手札遠相招
陶令懷歸正鬱陶
遙想宴堂長夏靜
坐臨江水看風濤

春晚偶題

幸有陶公五株柳
不戀河陽千樹花
數日東風吹欲盡
小軒寂寂日西斜

雲巢編卷一

欽定四庫全書

雲巢編卷二

宋 沈遼 撰

次韻奉酬文翁

昔人幽操有至樂吾豈含華企沖漠已知勞生委夢幻
不問萬事紛紛作四十年来春復秋但見花開更花落
最愛長夏適我懷新竹森森初解箨修林喬木結青蔭
下蔽文牕與朱箔已將形骸付物外何必高下窮嵒壑
老去詩書強遮眼爾來悉已懸高閣多病不賴世人知

吾亦於人無厚薄陽狂長鄙向子平絃歌偶似陶淵明
無事長甘數斗粟終不苟就五鼎烹南莊夫子謝聲名
誇我田家蠶且耕誰知此意正相合寂寥應笑魯諸生

奉酬舜文即次元韻

我生無庸如斷絡已分老死填溝壑不能掉舌強附會
何暇論經更穿鑿萊蕪甌觥欲生塵玉川婢麓常赤脚
世間要塗不易驟身外名韉誰可縛本無道義輕王公
亦不悲傷念流落水鄉夏半不厭熱繞舍新篁尚含籜

訟庭鉤距非吾事吏案煩苛都可却農民漸使安
訟畝和氣終須蠲疹癘子羽不肯過我室懸榻何妨卧西閣
年來多病亦廢飲牆下度泥委杯酌舊學迂疎不適時
譬如石田何可獲欲捕大鵬逐嶺嶠終不勞心事弋繳
行當歸掃烏峰下試鍊金鼎長生藥

張公洞下

道人升天久不迴至今洞門向北開當時仙仗人不識
白雲繚繞山間來闐然初望燒香臺百步九折多蒼苔

仙官委蛇劍佩肅霓旌羽蓋光漣漣鶴馭欲下風作媒
雪猿白鳳勢欲頽嵌巖石孔誰敢飲洞下風水聲如雷
龍車遙遙斷消息數百年來化為石六朝人物丘墓壞
白骨盡為泥土蝕吾昔已煉九華丹欣尋二洞窮幽寂
稚川方求句漏令長史亦賴旌陽力手種青精期可食
未能脫去空羈勒籃輿往來不憚勤搔首山前髮斑白

題楊師壁

年來病倦厭尋山且寄青泠白水間最愛楊師舊茅舍

頻來借榻伴高閒

奉和敦義張公洞

誰識此間非洞天
白雲輪囷石爛斑
松篁蔽空世務隔
日月不動仙家閒
金堂玉室不可測
霓旌羽蓋終當還
蛟龍沉淵馬空住
會與楊許來追攀

將行寄蔣三

春風迎我到荊谿
行看秋成憶故畦
乘興去來何可限
為君引領隔湖西

招靜之

浙西夫子蚤相陪解印新從海上來
借得谿邊五畝宅與君共酌任公臺

陽羨浮翠亭

江南山川若奔鹿下照江流翠相矚
朝望長干暮石牌山頭年年春草綠
我昔長愛江南遊當時少年今白頭
人生匆匆寄幻事六朝得喪惟荒丘
陽羨本自江南州水邊孤烟千古愁
沙禽關關夜相呼稻粱自足知何求

我生已如不繫舟投老為誰計沉浮腰間墨綬亦偶爾
此地欣與心相投行歸三吳卜幽隱不復更到枚回洲
漁父丈人莫相笑解帶於此聊遲留

昭君操

王昭君漢宮女漢宮女嫁配虜生如桃李花皖皖託朝
露春風一摧折零落在泥土君王委心事匈奴不知匈
奴在何處黃門扶我上車去遙望漢宮隔烟霧十年簾
下學畫眉不知還為蛾眉誤當時恩怨或易忘今日悲

愁那可訴夢中往往作歌舞滿目異類誰與語但見驚
風吹塵沙豈識春還復秋暮山林強鬼向夜哭夜夜羶
車宿荒戍胡人從來不照鏡但見白髮垂霜縷念知此
意終不傳獨自援琴彈作譜彈作譜寄與漢宮人一曲未
終淚如雨

酬思誠見贈

都下相逢意氣歡翩翩清興到江干壯心已謝馳千里
薄祿猶慙繫一官閒比水雲隨所適朽如溝木不勝蟠

欣然於此重相會一讀新篇九起歎

寄慶復允中

木葉飄蕭已半殷試臨高處望君山野田繚繞來時路
畫舸逍遙數日間坐想故人應見憶如今禿髮不勝斑
兩州相望無千里莫惜新篇斷往還

喪表姑輓詞

不盡華髮養奄聞朝露傷人雖恨長夜生已在西方靈
輅過空坂羅縵空北堂欲知蕭史處松栢正凌霜

又

憶昔祖姑前曾觀八法妍常嗟道韞在終愧右軍傳幻
化已委世清明當作仙松門一長慟丹旂上新阡

初聞鶴唳

海天寥寥禾黍秋人賴已息烟霧收數聲鶴唳草堂靜
何若更向咸陽游

和毅公賦謝仙

常愛金泉謝自然題詩多在藥珠篇玄洲靈草自有種

西郭故人還作仙
飛馭飄搖誰可想
斷雲流散世空憐
錦江何處無由到
乞與齊諧異日傳

和李正甫喜雨

朝來靈雨下巖阿
秋氣歡聲到處多
頓起西疇千頃稻
斬新南浦萬重波
乍欣勝意閒尋賞
晚得高吟更作魔
憔悴病夫毛骨爽
匡牀坐聽四明歌

和李泰叔

一身已與世相違
寧假虛名竹帛垂
老去讀書聊自遣

病多飲藥倦支持長因斜日增離恨却有秋風慰所思
屢辱高吟不即報使來多值欲眠時

和清順

世事吐吐非余知常愛天籟林中吹子雲老來亦嗜酒
秦女屢典釵頭螭不忤不求自得趣不知梅萼生南枝
昨日偶尋北山去清曠正直窮冬時道人相惱更題詩
信道匡鼎解人頤

龍居觀泉

泉聲泠泠山間落山下有田朝夕作東涇西瀆久已涸
夜來暴雨溪聲惡我欲浮舟到西郭山前灘瀨石鑿鑿
坐看橫派出林薄欲行未行翻不樂朝市權利方相搏
民聲愁嘆入溝壑不如曲几安寂寞我享趙子清都樂

贈清道

少年好書老彌篤牙籤錦囊數百軸江左墨妙世不矚
有唐諸公粗可錄諸公草法無可稱中葉始有張顛名
張顛下筆有神會其妙不似點畫成後來沙門有藏真

措意瀟灑尤更精當時二子最名盛至今學者皆伏膺
本朝蘇公名弟兄汝南蒲陽亦有聲比來諸公已老死
其餘卑俗類可憎我昔乘興遊都城列子示我新素屏
始知無擇得此道長沙道人今復生歸來窮巷掩柴荆
惠然相訪得忘形贈我數行豈無意勢如九河注滄溟
中間龍蜃降復升歡伏不暇獨可驚自欲何能謝言情
欲贈金玉還愧輕慙慙之揖喜不勝使我驅霧老後明

贈覺師

我昔乘興遊荆溪數訪道人谿水西道人飄然捨我去
有如白雲謝汙泥我來雲間亦未久惠然相顧攜枯藜
時人莫將老相識解空第一須菩提

酬楊高士

秋來當砌看金錢不為流年悵白顛已向滄洲逢九日
更欣高士況新篇牛山誰見沾衣客蘿下空懷採菊賢
遙望白衣猶未至不妨細雨竹窻前

池陽三首

池南柳色未全黃
池北萱芽尚帶霜
老去尋春不嫌早
春深留與少年郎

水南殘鐘水北清
浮雲斷處玉鉤明
持盃欲飲還看帽
十里春江如鏡平

寒烟寂寂鏤清谿
圓月亭亭上曲堤
小杜風情遙可想
閒調絲竹舞金泥

林平二首

林平勝處向東紆
水轉山迴盡不如
或息或勞都可樂

白雲深處五浮圖

河邊柳眼澹烟浮
臘破春歸一歲休
不復平時羈旅恨
離明還泊北城頭

西齋

東齋清曠西齋靜
上下往來唯一徑
幸有方牀不得眠
行休已有陶潛興

雲間

野田茫茫秋水清
生盡蒲蘆無人耕
不知三吳地力壯

老鶴空向烟中鳴

陸機雲解

朝日欲出已復西人間興廢那可
知崑山陵谷久已變
水旁唯有將軍碑

和宋平叔莫子謠

南方氣候多不叙茫茫萬生亦殊趣
人性雖或異所宜
莫不知愛膚與肌時方盛夏困多旱
高堂方喜遂我私
有蟲名為物甚小樸樸無狀安能為
諸公所賦雖甚美

盛道嘴吻良見欺虎豹齒牙利如兵我尚不畏矧此微
微物曾不如蚊蚋天生有命各有情何用譏侮起紛爭
我心坦然如日月我若呶呶我當罰

過水心寺訪芝上人

行年四十髮已斑似夢非夢寄人間數日秋風稍強健
閒尋戒律過南山

泰叔召食鱠

酷暑隆隆不可活聞有玉鱗纖手割不得相從飽便腹

空聽高吟何灑脫

秦叔求桂漿

越人遠寄桂花漿
敝屋欣聞破鼻香
遽遣小奴分送客
夜來已敗不堪嘗

次韻和宋平叔

憶昔銜盃折梅處
孤山寺前千丈塘
橫遮青林鬪殘雪
暗入紅袖留清香
往遊都城雖屢賞
縱有素艷終殊芳
莫辭遶林行百匝
更嚼嫩蕊薰愁腸

自懷

十月北風流舶迴官曹無事人吏稀欲沽斗酒自為樂
囊無一錢還典衣平生懶性不預事終老閒暇誰謂非
筋骨衰殘苦畏冷更移方榻對斜暉

次韻和李正甫

故國重尋梅柳春自憐頭上二毛新已知憫默安無位
寧免低昂為有身前日少年都自夢比來賤仕始憂貧
多慚幕府文章客都為風光作主人

白鷺

清江濯濯生菰蒲一雙白鷺雪不如輕烟細雨不肯去
潮來正有浮陽魚

戲贈伯泓供備

公子好樂惟好琴初傳一曲費千金其聲微妙出世外
若聽無聞古與今烏孫琵琶止四絃濮上瑩篌人不傳
西湖圓月籠修烟一盃綠酒為陶然

題徑山二首

昔日道師開法筵老人化龍去山前至今勝迹冠西境
高第相傳為敬田平生自得物外趣爾來更薄區中緣
終隨老師學善住行種芝草休天年

五峰相望勢如掌中有紺園闕龍象坦愛曲道兩盤迴
不知身出浮雲上浮雲悠悠覆朝市朝市小人鼎中沸
暫來欣得避世愁奈我未老先白頭

和李子儀即元韻

胡人泛舶萬里來頭上氍毹市纏作堆建武賁琛終罷獻

元和亭榭不求材

憲宗訪沈香亭子材令市舶沈檀委地不用

君王方講羽

千舞太守何妨樂聖杯
筦庫賤生固多幸
天邊長見利

蓬開

和張寶臣即元韻

始余倦遊念還家
一身泛然寄天涯
頭上白髮日益加
朱顏不駐爐中砂
飄飄逸氣凌紫霞
猶著黃綬趨泥沙
烈日漫憑烏帽遮
窮巷歸來夕烟斜
閉門正欲謝喧譁
何憚屋室多庳窄
楊柳欲落鳴饑鴉
八月秋風想乘槎

市中有金誰攫拏自欲歸耕老菑畲嗜好已背梨與樗
那復開口增詼詼眼昏白晝生黑花老悲獨向兒女夸
枯轍不能活鱗魴騏驎垂耳伏鹽車一官欣得飽魚蝦
頓首致謁辭當衙愚拙不遇何復嗟川陸舊遊殊不遐
才渡揚子已聞蛙吳女蓬鬢多髭髻西湖信美謝若耶
松竹夾道繁根芽勢利屈曲如盤蝸衛青變化乃龍蛇
深閨召客舞雙鬢撫手相勸競呀呀西崦老師自煮茶
太守陳樂奏渝巴湖水洗面去塵垢故山白浪留文沙

田裏小兒放猪玃為樂往往鳴蕭茄亦有狐兔堪施置
令人指手徒為擲賤職馳使告及瓜聿來甬東絕紛華
箝口不復露頰牙聯曹相係瓊與葭上官庇覆不汝瑕
優游重見林中葩四時風露換物華新詩迭致思無邪
吾子俊拔誠可嘉豈獨鄙言數矜誇高吟大字耀紙麻
時雖未亨道不污屢出珠玉能愧奢麻姑手爪幸見爬
長篇垂況理不差正如矛戟相鏖叉

和李正甫

山川旱氣赤如虹大海半涸驚魚龍行人渴死道不通
時見飛鳶墜長空日輪軋軋未背昃獨坐高堂酌瓊液
下視萬屋生白烟不復平日瞻青山閉目欲想瑤池瀕
欲往萬里增黃塵長憶仙人李太白若乘鯨魚應腐鱗
晚食一盤薦黑黍出鐺已敗色如土忽得諸篇排硬言
伏讀未終汗如雨

和李泰叔見菊有感

雨露蕭條歲景催庭前黃菊未全開揚雄嗜酒寧為樂

杜甫愁吟亦薄材故國欲歸行解綬滄洲無路可浮杯
新亭秋興君知否潮信方隨月色迴

酬海公即次元韻

早遊諸方見佛祖若能開口便相許長愛當時王老師
不開麤言反細語大道逍遙本不遐青天萬里孤鴻舉
比來多病卧環堵低頭不如亦不吐上座何為相示來
龍駒豈煩伯樂顧更須歸去造丈室擎拳便是諸魔路

方池

森森古木蔭方池池上秋來一夕知
墜葉沉波青徹底
倚欄無事看魚嬉

題上天竺

平生未省人間樂老去惟求世外閒
它日終當斷家事
籃輿遂舸訪名山

走筆奉酬正夫即次元韻

樂府古有行路難但悲白髮憐朱顏
時命多向賢才慳
詰屈不平萬世間壯心欲馳步輒跚
試出鋒穎官已瘝

中心忽忽倦且煩不如歸去江海間要懸大刀數撫鐔
何陋九夷與八蠻自顧鄙性疎且頑誰能隨時事黠姦
從來多病筋力孱正當落魄卧深山敝廬數椽粗可跼
安居里巷鎖重關終日無人踐茅管冠帶不修衣袂黥
高歌一曲舞雲鬟比鄰有酒時見頌春風秋月與我閒
夜靜佩玉鳴珊珊高人逸士或往還蓬舟自訪來前灣
行歌紅藥與香蘭已憎俗物近塵寰一身蕭然念早鰥
髭鬚憔悴半已斑誰能更問禿與鬚旦聽溪水聲潺潺

強來為吏腰少彎幸讀君詩錦繡篇相望鬱鬱何可刪
君豈久居五兩綸

聞杜鵑

杜鵑花發春山明杜鵑鳥啼行人驚世上有誰能忘情
一身離家作遠行為名受辱為法撻為利被奪為官爭
憂愁嗟蹙向誰說那忽聽此斷腸聲吾家家在泉亭
烟水相望數月程呼兒酤酒多酌客聊用相慰如平生
次酬韻李正甫對雪

苦寒冽冽日夜增朔風軒軒勢相凌遙山頑碧空峻嶒
高堂閒坐擁敝繒欲醕一杯意已仍浩歌黃竹但伏膺
愁雲漫漫方四騰海氣上薄初不勝雪霰雜下風作稜
漸著弱柳頭鬢髻半積軒砌發幽層枯樹兀兀愁飢鷹
紛然不已失溝塍一飲一斗心易矜試步薄冰猶戰兢
圓圭方璧降復登憶昔前年正嚴凝攝事大蜡清晨興
平生看雪實未曾健僕駿馬半醉乘或前或後望交朋
不辨明河與玉澠烈火萬炬氣不蒸被面惟有凍與冰

歸來心目如水澄
喜看道旁剡竹燈
豐年為瑞古有稱
凍死何暇談鄒滕
欲邀君飲恨不能
相酬莫問準與繩

行田舍

輕烟微雨滿金塘
天氣清明看下秧
筋骨已衰難自力
田家次第賜壺漿

題宸奎閣

至和天仙臨御久
能通祖印空諸友
化成殿上名禪師
親宣玉偈傳金口
鄮山山上建華閣
宸翰光芒燦星斗

江湖小臣稽首觀永為茲山傳不朽

次韻酬公夫二首

野性孱疎寄浩然不邀虛譽借人延賤官牽率終非意
故國歸休粗有田平昔是非猶可計後來去就孰為賢
西軒一夢無餘事不似南柯與世傳

海舶不來官事閒朝雲夕雨看西山強從委吏心雖易
欲避宵人勢亦難卧探古書聊自適醉攀庭柯幸怡顏
因尋舊友清歡意猶有榴裙數處斑

次韻酬李泰叔

歲寒倚遍甬東樓喜上江邊一葉舟
流轉生涯常壁立飄蕭官況信雲浮
欲逢故舊開青眼先得詩章說白頭
縱有一樽聊可飲正當相對論窮愁

召邵彥瞻

青嶂疊疊西南馳上下佛宮筋力疲
一樽欲與魯山醉悵望車馬來何遲

題垂雲亭

老師有意出人間便學垂雲也未閒帶雨有時歸北嶺
隨風依舊過南山

次韻酬鄭榮緒

長夏苦袞暑何適可開眼為約山間行遠訪金仙館時
當歲旱凶人跡尚猶罕況復有遊客來結青雲伴古松
臨水瀕我意秋可歎悵羨彼中人一去不復返高深步
巖嶠我道方坦坦山僧多故人不復怪教誕延我火齊
拌酌我流霞醖少小不預事老大更慵懶巖花為誰擷

藕絲悶獨綰爾來復多雨昨夜重湖滿欲榜一舟歸舟
敝不可揀世事久忘懷吾言固無間無樂亦無憂亮非
斗筭算

夜坐有感

齋閣夜不寐耿耿對華燭眼病懶讀書投老亦忘欲華
寵非我願終不蹈迫辱五畝窮巷居薄有數斗粟歸來
解衣袂何為愧仰屋天晴步明月雨暗一碁局四夷正
耀兵百姓食不足為謝支離疏吾方外羈束

新作小屏

少年喜讀書偃仰在方牀不知晝日勞常愛秋夜長炯
炯戶牖明翳翳燈燭光我樂自有趣驂騑步康莊道學
貴深思千古浩無方投機踐聖域所戒怠且狂常鄙小
人儒不能志軒昂蹈襲已陳語何為浪皇皇爾來四十
歲鬢髮已如霜回首念疇昔此意殊未忘曲屏倚方枕
可以寄彷徨誨言示稚子朝夕當此強

開窓

齋居病紆鬱况復當梅霖鑿開小窻明坐對佳樹陰翠
微映書帙涼氣生衣襟豈惟豁心目聊可發幽吟

和穎叔冲寂觀

疇昔學輕舉衰齡恨未逢慙懃尋福地邂逅聽山鐘陵
阜規模古烟霞氣象濃瀉湖開左派勾曲聳西峰宮殿
瞻黃皓風期想赤松區中誠久厭物外或能容落日窺
三島陰雲隔九重蛟淵無往害兔井識遺蹤遐企旌陽
隱旁鄰函里封翹心冥有感稽首敢忘恭幽士期相訪

扁舟志未從拳拳望仙境尼父歎猶龍

奉陪穎叔賦吐綬鳥

佛舍有珍羽垂頷祕文綬對客輒復吐粲粲如絺繡其
吐豈適然乃在喜懼間已吐亦復收倉卒一瞬還綠玉
聳角毛褐羽殊爛斑方其振舞時意氣艷且閒吾欲語
阿師不如放深山稻粱使自得不復勞深關

奉陪穎叔和覺師

疇昔欲求法初參為印禪已知物外趣頓謝區中緣不

學蘭那行終歸兜率天即心如有證何暇問方圓

復和

老師善言法何者名為禪不復著言句應當離事緣挹水何有用攀雲誰望天欲知證心要為我示偏圓

又

耆窟清談妙少林方坐禪於世誠大事投機非小緣休公祇彈指闕老呼蒼天子能分半座為畫相光圓

惠聚上方

卧病角東久偶尋吳會遊不知陶令意乃與身為讐
隱豈不美更恐增人愁龜勉有餘暇強來訪林丘此地
多山石鳥道與雲浮松筠鬱回合四顧皆良疇僕本山
野人聊此謝羈愁從容日已夕歸意良悠悠

善權閱軒巖

古寺寄林丘清泉高下流山僧空自老巖石不知秋
龍去潭水白猿吟楓樹幽軒前一楸局誰與汝忘憂

次韻和允中送覺師

心在白雲居逍遙誰復如從來機事少終與俗情疎
已脫敝屣吾方還故廬他年若相見應更老渠渠

戲呈慶復乞畫

鷺鳥寧有種詩書多不傳豈期猛厲氣專美鷹與鷂有
客畫鴉鵲古紙含秋烟羽毛被玄甲爪角森戈鋌想見
太公望桓桓統中權何如鄧中尉側目誰敢前吾方病
拘鬱逍遙溪水邊賞此神駿物霜風相孤騫從公乞妙
墨小齋伴衰孱何以報雅況作詩致拳拳

秋早登住閣

病夫倦拘鬱遐賞寄重閣
大火欲西流高林已搖落
海旁土氣淺風雨易回薄
數日多狂飈餘暑亦潛卻
千山在天際清氣遙可託
平生樂烟霞幽步誰與約
緬懷機雲輩襟靈信夷廓
草草蹈危機千載尚可啄
吾知非世用白首甘寂寞
攝令亦偶然何能求民瘼
勾釘盡誅斂下筆良多忤
不如陳太丘行歸老丘壑

雲間

蠟屐去陽羨乘桴望雲間腰垂陶令印意在莊生環斯
民久困敝何用惠孤瘵於心儻有愧拂衣歸故山

奉送景升西上

京口楊夫子知名三十秋青衫尚為邑相見松江頭傾
蓋曾未久歡若平生遊適當及瓜代浩然治西舟薦章
滿公車行想拜恩休萬里起跬步青雲眇難儔余方歸
東路於此悵夷猶行觴莫辭醉分袂雲間樓

奉和宋平叔

海角厭多雨乍晴山更嘉梅林半黃熟柳帶剩天斜忽
忽久不憚悠悠誰可涯世如有夫子終不歎匏瓜

題上天竺天仙閣

久厭朝市冗粗能忘蓋纏頭依梵唄地行結西方緣山
前種香稻山下流清泉此地既岑寂此心良泰然法師
清淨觀招我修初禪斯言倘不踐何路休餘年

次韻酬秦叔

志士有不遇繇來多感傷末途長憫默往事委冥茫偃

塞乾坤外推移日月長
初心寄林壑何事襲軒裳
才地慙前輩文華笑老蒼
討論聊自適仕進亦惟惶
直欲馳千里寧誰出一鄉
典謨窺禹契教化識軒唐
不信時難駕焉知命弗將
士雖殊用舍吾豈托炎涼
寶劔埋霜鏑明珠稱夜光
三公猶可去一命孰難忘
壯節深無累高歌詠更鏘
振衣辭旦望逸跡寄朱張
管庫心何愧江湖幸退藏
朝辭汴師日夜渡淞河
霜故國尋仙路當年結客場
二毛雖老醜一醉迺尋常
花圃風生席雲齋月滿

牀清歌憐落落高論接琅琅誰謂羈遯地還陪君子觴
衆推朋好厚不間弟兄行斟酌南堂夜逍遙甬水陽長
篇荷高意他日結離腸

庭栢

鬱鬱庭下栢何年移此栽雖然失地性本自凌雲材不
復鸞鳳集空餘鳥雀來誰為許長史拔宅去塵埃

竹軒

古人愛修竹瀟灑臨幽軒勁節有高致清聲無俗喧春

日鬪鏢碎秋風撼琅玕誰知渭川富千畝可懸冠

黃鸝一聲

陰陰三四木官舍悄無鄰何處黃鸝嚙來驚白髮新浪
隨殊俗過可負舊山春自笑親香火看經作鈍人

舟行

我舟莫行疾我家日已遠行遲終不到不到何由返吳
楚千萬里江山道回轉白頭多傷感方寸不勝亂

道中

昔我離家時月生正如鉤行行載見月已在天南頭我
身豈當然吏議不可酬下手亦何愧搖尾終無求默默
就孤征悽悽懷百憂吳山望不盡已泛楚江流木落知
歲寒客子多悲愁一慟一斗血安能望松楸

九龍洞

在邵州

洞中石乳色如霜欲煮刀圭未得方嘆息此生來已晚
更將殘命笑嵇康

西津

山後山前到已頻更尋殘雪過西津
愚溪愁客今何在
應有猿猴解笑人

讀書

病骨惛惛百不如不應投老更看書
古今得喪今方辨
且向斜陽弄蠹魚

愚溪

愚溪水中多圓石水邊竹樹山如壁
夫子幽棲十二年
至今使人長嘆息

雜詩

白雲非我役出沒在山間我亦何所事蓋輿自往還不
知樂與否聊爾寄哀孱早恨冠冕誤空令鬢毛斑

又

我昧明哲戒置身在天涯憫憫常畏人豈異池中蛙吳
山千萬里夢寐不到家永懷故山樂輕舟棹烟霞

又

屈平作天問委骸窮不悔寥寥千載還柳子強復對二

子誠多材無乃振懽悴區區亦何為吾方游物外

又

巨蛇老且蛻不如蟬脫飛茫然寄塊坱生死亦一歸達
人觀元化其言玄且微生死有不類於是知者稀秋池
夜觀月方與水相輝聊爾乘物化指象終為非

詒隱者二首

汝勿輕王侯王侯非汝曹地勢有輕重太山與鴻毛鼓
腹一歡笑不知鐘鼓豪我樂彼不預山林且陶陶

訪我維摩室不值香積鉢開囊出黃粟為汝林中爨軟
語少稽留青蔬亦易辦勿言方外趣我汝真如幻

善飲

誰道淵明不善飲亦知太白愛題詩浪醉浪吟成底事
不如高卧過當時

夷山

夷山邈無際落日多青烟渺渺寄愁恨吾知從古然逝
者既已矣後來誰可言達生亦有意吾歸將灌園

晉室

晉室昔中圯，正人多戮死。加害寧無辭，惟其不徇已。朝
室有難置，山林或能已。誰云清議在，美玉不全燬。曠達
余所嘉，數欲玩遺史。撫卷輒增感，終夕那復理。

東嶺

東嶺寄吾廬，西崦多屐齒。何為不憚陟，下視湘川水。此
水不湧激，朝暮流未已。烟雲媚幽趣，落日更清泚。徙倚
有高木，獨往每自喜。山猿助我嘯，幽鳥司我跂。山僧忽

吾怪使汝識善逝

卷二

雲巢編卷二

欽定四庫全書

雲巢編卷三

宋 沈遼 撰

水車

黃葉渡頭春水生
江中水車上下鳴
誰道田間得機事
不如抱甕可忘情

召楚興禪師

匡牀我示維摩疾
持鉢師來舍衛城
與汝欲分香積飯
不妨作戲說浮生

春日二首

壁下茶鐺久不烹更無白眼與人嫌
春來老困還多睡時有狂風入破簾

寂寂山間誰與言悶搔短髮向香烟
死灰朽木君知否不似胡人面壁禪

楊花

島夷三月不知春唯有楊花似故人
老大相逢何可語滿頭白髮不勝顚

樂神

夷人事神正自醺山頭水邊與神樂大巫龐衣手搖鐸
羣兒伐鼓更鳴角青山歷歷神欲歸湘水灘灘日脚西
小大酣歌向山棲神羹滿盞均汝釐

山上

山上桃花紅欲燒山間病老苦無聊古人有時亦好飲
已醉復醒真似勞誰能忘情學枯木不如隱几看猿猱
攀援上下豈無意新林落日風颼颼

李華

山僧種李華華白誰肯折春風欲去時庭前紛如雪綠
葉始有芽繁香且未歇鬱陶何可道空庭步明月

日落

日落沙頭山已昏飢鳥投暝下前村誰云野客無多事
步出林間自掩門

黃鸝

黃鸝何處來啼我芳樹下綠葉掩窮陬春容已衰謝百

年如轉轂悲歡正相駕感事一傷懷吾年四十化

春林

春林日已繁隔我遙山青下簾成幽卧野鳥鳴嚶嚶鳥
鳴有時息春林亦衰寂生物自環轉何心翻戚戚

散郎亭

法華寺上散郎亭老樹蒼崖如有情歡戚已隨時事去
代間祇有古人名

東花寒

山禽哺雛半欲搏坐想葛帔臨風湍數日陰霖復未暢
不知更作棗花寒

讀書

讀書十車老已忘人生得意須少壯白髮漸多筋力衰
誰為流年更惆悵自寄蠻夷朋舊稀更將黃卷卧斜暉
古來枉直何足道昨日皦皦今還非

觀大水望朝陽巖

元次山
所名者

前日巖間欲結廬下眺江水百步餘春水濺濺出乳

竇青山白石半滂塗不到津頭已三月誰知江水漲天
墟遙望橫流不敢濟巖日已有人罾魚

滄洲亭懷古

瀟水悠悠天際來夾江古木抱山回柵中人物不滿把
日晏市散多蒼苔九疑巉天古雲埋遙想帝子龍車迴
心衰目極何可望九歌寂寂令人哀

奉送伯才都官代歸

前日使君佩銅魚雅望已合升華塗一遭黜黜誠非辜

全宋文卷之三
卷三
人為歎憤我若無夷州已非人所居
況復管庫治贏餘
幸及瓜時笑還都襟懷落落真丈夫

次韻答陳生問禪

從來多事笑歸宗我已無心豈有通
達士猶能知夢夢
世人何用更空空江頭冷落三秋月
山半支離一病翁
不到古今能與否林間拭目看來鴻

出瀟江泊蒲洲

汎汎瀟江水天生西北流
蒼烟開蛋市曉日下蒲洲
清

曠適幽步方洋如昔游何為沙上鳥相避小山頭

水車

山田遶山脚江水何可作車輪十丈圍飛湍半天落雁
翅挿修甍隨流得深酌升降豈無勢長江怒相薄有
如萬夫力謹呼傾衆壑曾不捨晝夜美源終未涸人間
有機事由來生巧惡善彼漢陰老忘懷抱純朴

復作過商翁墓

當年不佩封侯印後世誰尋墮淚碑定遠將軍豈夸勇

關南常侍最能詩，故人不解傳遺事。
五嶺猶能識信旗，墓下寂寥無鼓角。
秋風獨向白楊悲。

平生氣業許誰知，官制應崇九尺碑。
已為朝廷恢遠略，不應江漢獨無詩。
交牙石鎖先偏陣，野燒光開後隊旗。
老婦尫殘誰主奠，從來伯道使人悲。

同預楊公國士知，延陵應得我題碑。
人間已悟黃梁夢，泉下誰尋古劍詩。
邕管已聞圖像祭，廣源無復納降旗。
水禽山鳥無人意，獨解飛鳴不解悲。

蒼頭已作歸來曲不信全生庾氏碑疑有史官爭立傳
終無嗣子與聞詩後房已閉千金妓私廟空收五采旗
聞說詔書優贈典孤魂應結九泉悲

庭下菊

夷天九月尾秋氣殊未肅病士蒙葛衣正如庭下菊憶
昔移菊初夏暑方煩溽瘴山旱無雨憔悴茲不足安得
望茅茨竊自譬松竹神仙久視藥孤根寄窮谷

鉅鋤潭

余讀子厚書始聞鉅鉅潭榜舟西江下振步愚溪南高
下凌山阿松篁蔽秋嵐土人識其地古木森榎楠水深
日波瀾此理亦易探古木為鉅鉅土音正相參所記或
不然信書殊未甘此公廢已久山水窮年眈造化毫楮
間浮實微相銖幽心有點識西歸助清談

寄題贅隅塚亭

不識贅隅生斯人亦豪怪挾書海上來軒昂軼前輩何
為老窮阨獨與當時背寵祿出一時此書終不廢客死

江都館骸骨埋荒穢幸會田使君開塋北門外浮屠清
曠地馬鬣森松檜百年一坏土誰當論窮泰

龍興觀

山林搖落江水寒松下古觀生秋蘭白日無人午夜靜
玉皇殿上朝仙官但聞金環玉佩鳴珊珊麻姑女子不
下壇有誰乞得延齡丹人生不如為善好草頭曉露空
漙漙

還湘南集

蚤識陶公父子名未知李老思尤清後來無復能文客
瀟水湘山空月明

過李氏澹塘別墅

淵明昔已愛吾廬我亦悁悁憶故居君有東臯千束稻
山前更望澹塘湖

答林夫五頃次元韻

無心難與有心期欲說無心已自癡會得金剛本來性
此人與我合先知

白髮生來何可驚不求雜食豈須耕山間一榻無餘事
但看山花枯復榮

海水浩蕩烟蒼茫我欲求渡無舟航東西路迷何苦渡
楞伽山下秋風涼

世間明闇一毫端為底忙時不肯閒水盛草深牛不動
始知緣業有多般

阿彌陀佛一爐香欲道知時已是狂若得醫師除我病
何煩筋力更求方

有感

我身如斷蓬我性如孤鶴飄搖寄林野不復人間樂豈
如雞與犬朱門肆依託雖沐稻粱恩安能遠嫌薄理或
不在我幽懷放寥廓人生能幾時百年共搖落

贈飲客

鄙性不嗜飲不知酒中樂古人能閉關此興應可度形
骸委物外寵利安能薄何為攘臂人喧然同燕雀朝揮
百神王夕引羣憂涸疇昔二三公逃死向杯杓我樂不

在是陶然造冲漠子當劇醉時相訪南山脚

雪後

瀟川夜飛雪草舍朝成冰微陽始下燭南山浩如蒸林
木散孚甲烏鳥營巢槽物化不可戚深挹南天僧

次韻酬陳生求書

老朽何心託市朝正當鼓腹詠軒堯由來方外希夷樂
漸與人間路徑遙澤畔應無漁父問松間時聽葛天謠
髯君莫及兒童伎留取褚中翡翠翹

贈廣祐上人

不入四明路侵尋已十年
葛藤論往事蟬蛻想蒼烟
松下數株石巖前千丈泉
何為不肯往芒屨更參禪

奉送馬令歸長沙

腰間新佩臨桂章歸著綵衣拜高堂
鴻雁知時自翔翥
驂騑得路方騰驤
正煩絃歌治疲俗
仰看干羽來降王
憔悴山間老遷客
不能相送出瀟湘

奉贈玉笥王尊師

玉筍羽人不絕食鬢毛清潤顏色赤中黃仙翁傳妙經
十年功成人不識身如孤雲行無迹欲上九疑望南極
岫嶺不見神禹碑瀟湘真得浮丘伯城南濯足江水碧
逍遙城中混名德東巖西穴已爛遊共過廬陽尋簡寂

仙居閣

鶴馭已歸三十春至今重閣無纖塵蟠桃誰知天上事
白骨不駐城中人門外江流似平昔林間鳥雀空悲辛
當時留侯強辟穀黃石老翁悟終身

寄題譚氏需亭

譚子作需亭佳客同宴樂宴樂乃餘事文華相博約散
帙列經史所游盡通博揮毫斷新義諸生困穿鑿中厨
具烹飪高懷肆杯杓遙想大論時紛紛塵毛落春風豁
幽鬱龜日延林薄人生樂名教安在甘寂寞相期一窮
達豈止為脾臆窮達乃在天得時即鳴躍在昔鄭司農
處身固窮索饗客頗豐侈水陸薦金錯其後李北海高
材冠臺閣摛文示時彥萬金資一酌遺風不在是斯名

豈苟作泥沙何足道正當為善謔子雲老嗜酒行當躡
芒屨為君說難字猶能中一啄

望浯臺示無競

每愛瀟江西北流水邊幽石強為留歸時欲借浯臺望
何處陂陀可繫舟

太平上方

山上白雲淡無情不如山前利與名水西落日何時盡
二十一萬鐘磬鳴

送唐進士遊南岳

瀟湘一片雲翩翩上南岳不依澗底石欲引瑤臺鶴乘
風出岵嶠帶月縈林薄若會洪崖生為求金鼎藥

贈張明之

文雅張夫子飄然東嶺居不隨人毀譽獨與道盈虛歡
笑一棋局湛沈萬卷書三年流竄客相見止如初

唁下第

時去亦可惜浩然若滄溟平生窮古學老大困新經君

抱松竹操余無龜筮靈相看故眼在惟有遙山青

朱趙二使者示問

古木巖嵒山徑斜不知使者出山窠羈禽野獸遙相避
亦有人尋顏闔家

零陵觀大水

春雨淫不已江水一夕漲初聞漸其柵離明已三丈老
弱走山去浮沉困丁壯高樓半欲沒木杪維舟舫雖阜
已懷襄那能辨閭巷升高瞰其下犬牙縈疊嶂始知地

形隘何由保無恙湘川浩東下其勢不相讓安得驅山
澤移徙就空曠市井安且平黎民獲生養羣流亦適性
千里肆夷漾斯懷知未遂蓬苑獨怊悵

謝履道天麻

仙客餌赤箭其根乃天麻延年不復老飛身混烟霞文
升蚤得道山下多靈芽世士所購求金玉如泥沙吾昔
負羸疾衰齡畏風邪筋骨困連卷跳偏竟何嗟履道知
我欲囊封寄山家呼奴為煮食惜已鬢毛華

奉簡辛叟

紅葉飄蕭秋後山相望止在一溪間老夫無用方安命
夫子何為蚤閉關世事不隨歌吹樂此身略與水雲閒
經年不見寧相外安在區區事往還

次韻博古贈王道人

調笑同方朔機微似幸靈囊中萬金藥几上九仙經虛
靜孤猿噪支離病鶴形子雲稱隱德於此識沉冥

戲贈辛叟明之

辛叟姓陳
明之姓張

仲子絕不出留侯數相顧二客雖不同所知均一趣仲
子屏世故脩然掩蓬戶留侯喜奕碁清歡寄玄悟

奉贈王道人

身世飄搖如斷雲此生不復世間塵能言得喪歸諸命
維有東坡王道人

平生

平生愛閒今幸閒投老愛山今住山不復區區同眩事
正當渺渺出人間

將行泊瀟江

閨閨久同巢幕燕翩翩今作北歸鴻
湘山瀟水愁無那
欸乃孤舟夜雨中

宿浯溪

孤蓬衝雨出湘西欲向嵯間寄一棲
天外月華如有意
故來相伴宿浯谿

謝蔚宗木棉

嶠南地熱氣如烟木華蒙茸散為綿
使君作紬遠相寄

表似夷錦紅欲燃病士榻上殘青氍毹山中苦寒多破穿
使君相贈何可言困來不妨伸脚眠

嬋娟亭

天邊新月一絃生堂上美人肢體輕何似君家庭下竹
孤風高節照人清

靜照庵

擾擾百年何可為正應靜處得忘機心猿不動無餘境
照見人間是與非

石鷺坡

祁陽縣南石鷺坡驟雨乾時燕子多行李蕭疎常畏雨
誰能駐馬待滂沱

峽山寺

峽山山下古招提叢木猶藏半泐碑正自會昌多難後
至今龍象繞山悲

白水

九江水色白如雪流水瀟湘尚未渾落日墟頭人已散

獨留烟樹送黃昏

題文殊寺

乃思勇二
公卓錫處

二公誅茆今幾年至今山下一爐烟
駐舟薄致伊蒲饌
欲結諸公寂靜緣

月落山時魚鼓鳴華堂不動夜來燈
人間擾擾方多事
誰似爐間白髮僧

雪後

朝來風雪滿湘山頓失羣峰上下間
風定雪休歸舫穩

江流不動碧潺潺

南臺禪師云得蔚宗書報老夫入山

支持病骨上南臺一眺雲林眼暫開不道雲長更繞舌
已將名姓入山來

君山

我來洞庭上延首望君山君山不可見止在狂波間風
休水亦息烟嵐露空碧何煩問法意開口成塵迹

洞庭山雪

洞庭春雪曉霏霏
一陣風來半已晞
唯有山陰吹不盡
田塍片段衲僧衣

次韻奉贈巴陵上官令

古人善治身
擺落在塵土
明哲所自任
不為小人侮
嗟我一何愚
逍遙寄天宇
長嫵柳下汙
有意莊生堵
微官被黥黥
遠放瀟湘浦
閉關絕世故
况復揮談麈
蒙恩許北下
始接諸公武
若得一丸藥
頓發三年瞽
巴陵遇言游
高文瓌瑤圃
泠泠挹清風
使人懷玉斧

奉贈上官令

洞庭春水靜楚山氣雄勁欲言世上清不敵巴陵令山
深多猿嘯水涸縱鱗泳牛刀有餘閒盡入安仁詠

重示

不識南宗與北宗欲齊得喪已非通若將直指生為夢
便可偏知色是空莫為嚴周馳誕說欲輕摩詰作衰翁
古人言句真芻狗天外秋來有信鴻

代諸生送黃鎮判官

瀟湘秋水漲山阿小駐歸舟綠玉波翰苑主人青眼
在湘南使者薦書多庭中紫詔迎綸綍道上黃花醉巨
羅賤客十年京國夢恨無羽翼從鳴珂

贈送盧總赴調

山東盧翁舊儒者少年久客都城下先朝數因春官薦
投袂攀鞍學弓馬大黃六鈞猿臂挽武庫官箭長分靶
橫門較藝在第一武士賈勇來相迓天子臨觀虎豹羣
弓滿不苦何由化固知窮達不在我乞得參軍何足叱

晚除一尉來荆域白髮婆婆誰復識部中夷落寄戎政上
下六年無盜賊使者垂休太守惜地薄器寒無勢力平生
介直恥自媒一紙薦書終不得中間安南大將出嘗願奮
身借一戟翻蒙羽檄督軍糧靈渠首運三千石小官繇使
當自効解衣操舟上灘磧同行嘲笑何自苦殊勝陶公閒
運甓功勞涓埃何足道甫得臨湘升斗食高堂老母終天
年屏居古寺甘窮寂從來畏慎不干人糲食布衣殘喘息
春秋祀事亦粗給妻子不為飢寒逼三年終喪壯心在雙

鑠安能忘吏役古劍不折終不理老馬豈甘長伏櫪却
持手板謁公府斗擲青衫塵土迹我知盧公意可憐世
人_聞家輕相測何如市井輕薄兒朝來指白暮為黑

古興十六首

朝亦看踰山暮亦看踰山芳華春樹外古澹白雲閒絕
頂有池水昔年棲玉顏妙靈想不駐緬慕何由攀

春草日已枯山中少人迹草間秋蛩鳴遙知歲寒逼人
生何可恃金丹須努力流景終不回永歎尚何益

我不歎白髮安得新少年往者不失勢後來豈能賢世
間亦多士倚伏良有緣寄語夸奪子古人已皆然

修道須陰功留侯亦何為區區欲報怨方為帝王師辟
穀學赤松強為女子飴黃石更殉葬空令後人疑

皖皖何氏女不食終不飢普公南遷日金鏡識仙衣清
冷少言語時時露天機冥數有時盡玉棺有餘輝

古人喜功名冒死立奇節嗟我亦何弱翰墨老蒙拙富
貴難苟求恥隨世汨沒千年栢庭下不負金光骨

不識揚子雲清峭想玄鶴後世欲論文斯人不可作死
生固有命一貴為投閣相去已千年空山甘寂寞

黃葉日已落西飈易驚衰憶昔陽春下芳華弄歲蕤四
序不代運生物皆凌夷匆匆蓋常理晚暮令人悲

百草皆有種風土不可移甘辛與美惡所得自適宜東
家鮐背翁前日迺嬰兒耄倪寄百年誰可強扶持芳華
有不實不實未足悲神仙不死藥多採南山芝

天外青青山重雲忽蒙翳青山終不移明目未可睨秋

風方慘慄冥雨何時霽不見希夷翁欲學窮年睡

夜半山氣冷始知秋序深開軒望明月西嶺莽泔泔人
籟久已息繁然蟋蟀吟緬懷故丘鶴清唳有餘音遙與
白雲期豈憚冰雪侵人情與物象邈迢愜幽心夜漏漸
已長清風入松林逍遙掩蓬戶微涼生衣襟

瀟湘望秋月清曠無風埃誰知故園影亦向喬夷來水
際衰老翁練衣獨徘徊頰仰方自適為誰指玄胎

落葉何足歎歲暮皆枯枝白髮不可摘我老誰不知榮

瘁乃常理日月潛推移莊生強欲辨祇能解人頤

我意不自適何為浪多憂艸舍亦無事浩如水中舟陵
谷尚或遷百年為誰俯不作亦不止生肇知吾優

前日春已歸殘花尚赤白秋來初未頃園林亦早索桃
實久已空黃柑半可摘唯有半折松青青獨如昔少年
勿歎息明年復春色莫疑衰老翁住世方為客

疇昔一夢還強憂亦強喜殘息若少延視今諒亦爾何
為有得失寧非為物使長哂王潛夫區區論天咫

渡西

百家渡西日已落青山上下猿鳥樂欲因新月望吳雲
遙看北斗掛南岳一夢惛惛已十秋古人不死終未休
草舍蕭條誰與語清香吹過白蘋洲

次韻酬楚興三頌

莫欺隱几維摩老不為文殊不設齋寂寂青山何所有

霜風落葉滿空堦

右答
設齋

給孤長者尋常有應供如來不易逢二施本無差別理

莫論庭栢與庭松

右答
施衣

已住世間如影響不牽法相論偏圓山邊茆屋隨緣業

不是當時忍辱仙

右答
見贈

寄金山禪師

秋來清血灑瀟湘遙望東流帶夕陽為過金山沾法力
便隨潮水入錢塘

九日

去年九日始離家行到江南見菊花今日喬夷逢節物

獨將白髮換年華

送畢公綽

畢子治車馬游學去成均成均首善地俊乂方駢臻為
儒當讀書術業藏諸身羣居久昧是終亦為塗人通塞
雖有時操修賈道真求益當擇友好德必有鄰吾為投
喬客其言何足珍行矣當自慎思慰高堂親

火星巖

火星巖下石陵嶠殿閣相望止一僧莫問人間興廢事

門前流水几前燈

白髮

山頭甘實半已黃
領上白髮日更長
青雲合散寄孤岫
世事悲歡空夕陽
我欲乘風學禦寇
泠然有意尋滄浪
滄浪無人誰與適
青山路遠烟茫茫

侯灘

江流激激過侯灘
更上山頭看打盤
百歲老人親擊鼓
城中憂樂不相干

書堂寺

蒼山古木書堂寺北下湘川百餘步誰云往來傾世界
至今人道安禪處豈無驚蛇與飛鳥後來那復知其趣
我身不知今是不空記名稱你常住

日道

日道纏南復纏北蓬戶長開少人迹三噫七哀非我意
我身乃是投荒客


龐公

襄陽龐公少檢束白頭女冠亦不禿世所奔趨我獨棄
我已有餘彼不足鹿門有月樹下行江漢無風舟上宿
不識當時捕魚客但愛長康畫金粟金粟杜口不復言
龐公為人不多俗東西有人問老夫但道明燈照茆屋

五言

五言七言正兒戲三行五行亦偶爾我性不飲豈解醉
正如春風弄羣卉四十年來目幻事老去何須別愚智
古人不生亦不滅吾今不作亦不止寄語悠悠世上人

浪生浪死一埃塵洗墨無池筆無塚時亦作戲怡吾真



雲巢編卷三